

Akashvani, Sambalpur

SAMBALPURI NEWS EVENING BULLETIN

4 March 2026-7.02- 7.12 pm.

- ୧- ସାରା ରାଏଜେ ଉସତ୍ ଉତ୍ସନାକିଥି ପାଲନ୍ ହେଲା ରଙ୍ଗର ପରବ୍ ହୋଲି ।
- ୨- ରାଜ୍ୟ ସଭା ନିର୍ବାଚନ ଲାଗି ଆଏବାକାଏଲ୍ ଶେଷ୍ ହେଉଛେ ନାମାଙ୍କନ ପତ୍ର ଦାଖଲ ।
- ୩- ଆଏବାକାଏଲ୍ ଦୁଇଦିନିଆ ଓଡ଼ିଶାଗସ୍ତୁ ଆସୁଛନ୍ କେନ୍ଦ୍ର ସରାସ୍ତ୍ରମନ୍ତ୍ରୀ ।
- ମୁଣ୍ଡୁଲି ନ ସିଆଇଏସ୍ଏଫ୍ ଥାପ୍ନା ଦିବସ୍ ସମାରୋହୁଥ୍ ଦେବେ ଯୋଗ୍ ।
- ୪- ରକ୍ଷିକୂଳ୍ୟା ମୁହାଣ ନ ମୁଲ୍ ହେଲା ଅଲିଭ୍ ରିଡ୍ଲେଙ୍କର୍ ସମୂହ ଅଣ୍ଡାଦାନ ପ୍ରକ୍ରିୟା ।

ଆଉର୍

- ୫- ମେଦବହୁଲତା ବାବ୍ଦେ ଲୁକ୍କୁ ସଚେତନ୍ କର୍ବାର ଲାଗି ଆଏଜ୍ ପାଲନ୍ କରାଯାଉଛେ ବିଶ୍ୱ ମେଦବହୁଲତା ଦିବସ ।

ହୋଲି ଉତ୍ସବ- ଆର୍ୟନ୍ୟୁ/ ସମ୍ବଲପୁର/ ଏକ୍ସ

ସାରା ଦେଶେ ଆଏଜ୍ ଉତ୍ସବ୍ ଉତ୍ସନାକିଥି ରଙ୍ଗର୍ ପରବ୍ ହୋଲି ପାଲିଡ୍ ହେଇଛେ । ଓଡ଼ିଶା ନ ମାହାପୁରୁ ଶ୍ରୀଜଗନ୍ନାଥ ଜଗନ୍ନାଥଙ୍କୁ ସମର୍ପିତ୍ ଇ ପରବର୍ ଗୁଟେ ଖାସ୍ ମାଏନ୍ତା ରହିଛେ । ସାରା ରାଏଜେ ଗୁଡ଼ିଭାଡ଼ି ମାନ୍କେ ଦେବାଦେବୀଙ୍କ ଠାନ୍ନେ ହୋଲି ପରବ୍ ପାଲନ୍ କରାଯାଇଥିବାର୍ ବେଲେ ପଶ୍ଚିମ ଓଡ଼ିଶା ନ ଗୁଣିଖାଇ ଉତ୍ସବ୍ ପୁରାତନ୍ ପରମ୍ପରା ଅନ୍ସାରେ ପାଲନ୍ କରାଯାଇଛେ ।

ପୁରୀ ଶ୍ରୀମନ୍ଦିର ନ ଆଏଜ୍ ମାହାପୁରୁମାନ୍କର ହୋଲି ନୀତି ଆଉ ଚନ୍ଦନଯାତ୍ରା ମୁଲ୍ ହେଇଛେ । ମଧ୍ୟାହ୍ନ ଧୂପ ନୀତି ଶେଷ୍ ହେବାର୍ ଉତ୍ତରୁ ମାହାପୁରୁଙ୍କର୍ ପାଖେ ୩ ଟା ଆଜ୍ଞାମାଳ ଲାଗି କରାଯାଇଥିଲା । ତାର୍ ଉତ୍ତରୁ ଦୋଳଗୋବିନ୍ଦଙ୍କୁ ରତ୍ନ ସିଂହାସନକେ ବିଜେ କରାଯାଇଥିଲା । ତାର୍ ଉତ୍ତରୁ ଦୋଳଗୋବିନ୍ଦ, ଭୂଦେବୀ, ଶ୍ରୀଦେବୀଙ୍କୁ ବିମାନ୍ଥି ବସାଯାଇକରି ନରେନ୍ଦ୍ର ଚକଡ଼ାକେ ନିଆଯାଇଥିଲା ।

ହୋଲି ଅବସରେ ରାଷ୍ଟ୍ରପତି ଦ୍ରୌପଦୀ ମୁର୍ତ୍ତି ଦେଶବାସୀଙ୍କୁ ଶୁଭେଚ୍ଛା ଜନେଇକରି କହିଛନ୍, ଆନନ୍ଦର ପରବ୍ ହୋଲି ସମାଜ୍ ନ ଶାନ୍ତିର ବାର୍ତା ଦେସି । ହୋଲି ସାମାଜିକ୍ ବନ୍ଧନ୍କେ ବରକସ୍ କରବାର୍ ସହେତେ ସମ୍ବକର ମନ୍ ଭିତ୍ରେ ଆଶାର୍ ସଂଚାର୍ କରସି । ଇ ପରବ୍ ବିବିଧତା ଭିତ୍ରେ ଏକତାର୍ ପ୍ରତୀକ୍ ଆଏ ବଲି ରାଷ୍ଟ୍ରପତି କହିଛନ୍ ।

ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ହୋଲି ବାର୍ତାଥ୍ କହିଛନ୍, ହୋଲି ପରବ୍ ସାରା ପରିବେଶ୍କେ ନୂଆ ଶକ୍ତିଥ୍ ଭରିଦେସି । ରଙ୍ଗର ପରବ୍ ସମ୍ବକର ଜୀବନ୍ଥ୍ ଖୁସି, ସମୃଦ୍ଧି ଆଉ ସଫଲ୍ତା ଆନି ଦଉ ବଲି ପ୍ରଧାନମନ୍ତ୍ରୀ କାମ୍ନା କରିଛନ୍ ।

ରାଜ୍ୟପାଳ ଡକ୍ଟର ହରିବାରୁ କମ୍ବମ୍ପାଟି ଖୁସି, ହର୍ଷ୍ ଆଉ ଉଲ୍ଲାସର ପରବ୍ ହୋଲି ଅବସରେ ରାଜ୍ୟବାସୀଙ୍କୁ ଶୁଭେଚ୍ଛା ଜନେଇକରି ସମ୍ବକର ମଙ୍ଗଳ କାମ୍ନା କରିଛନ୍ । ମୁଖ୍ୟମନ୍ତ୍ରୀ ମୋହନ ଚରଣ ମାଝୀ ଭିଲ୍ ହୋଲିର ଶୁଭେଚ୍ଛା ଜନେଇକରି ରଙ୍ଗର ପରବ୍ ହୋଲି ସମ୍ବକର ଜୀବନ୍ଥ୍ ସୁଖ୍, ଶାନ୍ତି ଆଉ ସମୃଦ୍ଧି ଭରବାର୍ ସଙ୍ଗେ ଭାଇଚାରା ଆଉ ସାମାଜିକ୍ ସଦ୍ଭାବନାକୁ ଆହୁରି ବରକସ୍ କରୁ ବଲି କହିଛନ୍ । କେନ୍ଦ୍ର ଶିକ୍ଷାମନ୍ତ୍ରୀ ଧର୍ମେନ୍ଦ୍ର

ପ୍ରଧାନଙ୍କର ସହେତେ ବହୁତ ବିଶିଷ୍ଟ ବ୍ୟକ୍ତି ହୋଲି ଅବସରେ ଶୁଭେଚ୍ଛା ବାର୍ତା ଦେଇଛନ୍ ।

ହୋଲି ଅବସରେ ଓଡ଼ିଶା ଭାଷା, ସାହିତ୍ୟ ଆଉ ସଂସ୍କୃତି ବିଭାଗ ଆଉ ବୃନ୍ଦାବନ ଗୁରୁକୁଲ୍ ତରଫୁ ଆଏଜ୍ ସଞ୍ଜାବେଲେ ଭୁବନେଶ୍ୱର ରବୀନ୍ଦ୍ର ମଣ୍ଡପ ନ ବୃନ୍ଦାବନ ମହୋତ୍ସବର ଆୟୋଜନ କରାଯାଇଛି ।

ପଶ୍ଚିମ ଓଡ଼ିଶାର ଗାଁକୁ ସହର ତକ୍ ସବୁଆଡ଼େ ଉସତ୍ ଉତ୍ସନାକିଥି ହୋଲି ପରବ୍ ପାଳନ କରାଯାଇଛି । ବଲାଙ୍ଗୀର ଜିଲ୍ଲା ରାଜ୍ୟମାର ନ ହେଇଥିବା ହୋଲି ପାଳନ ସମାରୋହଥି ଉପମୁଖ୍ୟମନ୍ତ୍ରୀ କନକ ବର୍ଦ୍ଧନ ସିଂହଦେଓ ଯୋଗ୍ ଦେଇଥିଲେ ।

ଦଲୀୟ କର୍ମୀ ଆଉ ସ୍ଥାନୀୟ ଲୁକ୍କର ସଙ୍ଗେ ଉପମୁଖ୍ୟମନ୍ତ୍ରୀ ରଙ୍ଗ ଖେଳିକରି ରାଜ୍ୟବାସୀଙ୍କୁ ଶୁଭେଚ୍ଛା ଜନେଇଛନ୍ ।

(ଭଏସ୍-କନକ ବର୍ଦ୍ଧନ ସିଂହଦେଓ)

ସ୍ୱାସ୍ଥ୍ୟ ଆଉ ପରିବାର କଲ୍ୟାଣ ମନ୍ତ୍ରୀ ଡକ୍ଟର ମୁକେଶ ମହାଲିଙ୍ଗ ବଲାଙ୍ଗୀର ଜିଲ୍ଲା ଲୋଇସିଂହା ଅନ୍ତର୍ଗତ୍ ନଅଗାଁ କ' ଗାଁ ନ ପରିବାର ଆଉ ବନ୍ଧୁ ପରିଜନଙ୍କର ସଙ୍ଗେ ହୋଲି ପାଳନ କରିଛନ୍ ।

ସୁବର୍ଣ୍ଣପୁର ଜିଲ୍ଲା ନ ହୋଲି ଉତ୍ସବ ପାଳନ କରାଯିବାର ସହେତେ ଜିଲ୍ଲାର ଭିନ୍ ଭିନ୍ ଦୋଳ ମେଳଣ ପଡ଼ିଆ ନ ହରିହର ଭେଟ ହେଇଛେ । ଇ ଅବସରେ ସୁସଜ୍ଜିତ ବିମାନୁ ରାଧାକୃଷ୍ଣଙ୍କର ଯୁଗଳ ମୂର୍ତ୍ତିକୁ ଶ୍ରଦ୍ଧାଲୁମାନେ ଦର୍ଶନ କରବାର ସୁଯୋଗ ପାଇଛନ୍ । ପରମ୍ପରା ଅନୁସାରେ ବୀର ମହାରାଜପୁରଠାରେ ୧୨ଟା ଗାଁକୁ ଆସିଥିବା ମେଳଣକୁ ଶ୍ରଦ୍ଧାଲୁମାନେ ଦର୍ଶନ କରବାର ସହେତେ ୫ ଦିନିଆ ଫଗୁନ ପୁନି ଉତ୍ସବ ଆଏଜ୍ ଉଦ୍‌ଯାପିତ୍ ହେଇଯାଇଛେ । ହୋଲି ଆଉ ତାର ପରର ଅଘଟଣ ରୁକ୍‌ବାର ଲାଗି ସାରା ରାଏଜେ ଜିଲ୍ଲା ଆଉ ପୁଲିସ ପ୍ରଶାସନ ମାନକର ତରଫୁ ବ୍ୟାପକ ବ୍ୟବସ୍ଥା କରାଯାଇଛେ । ନଏଦ୍, ନଲିଆ, ବନ୍ଧ ଘାଟମାନକେ ଅଗ୍ନିଶମ ବାହିନୀ କର୍ମଚାରୀମାନଙ୍କୁ ମୁତୟନ କରାଯାଇଛେ । ଶାନ୍ତି ଶୃଙ୍ଖଳା ଲାଗି ସହରେ ବଜାରେ ଛକମାନକେ ଭିଲ୍ ପୁଲିସ କର୍ମଚାରୀମାନେ ଦିନସାରା ପର୍ଦ୍ଦା ମାରିଥିଲେ ।

ରାଜ୍ୟ ସଭା ନିର୍ବାଚନ

ଆରଏନ୍‌ୟୁ/ ସମ୍ବଲପୁର

୧୦ଟା ରାଜ୍ୟର ୩୭ଟା ରାଜ୍ୟ ସଭା ଆସନ ଲାଗି ଆସବାକାଏଲ୍ ହଉଛେ ନାମାଙ୍କନ ପତ୍ର ଦାଖଲର ଶେଷ ଦିନ । ୬ ତାରିଖ ଦିନ ପ୍ରାର୍ଥପତ୍ର ଯା'ର କରାଯିବାର ସଙ୍ଗେ ୯ ତାରିଖକେ ନାମାଙ୍କ ପ୍ରତ୍ୟାହାରର ଶେଷ ଦିନ ରଖାଯାଇଛି । ଆସବା ୧୨ ତାରିଖ ଦିନ ଇ ଆସନମାନଙ୍କର ଲାଗି ଭୋଟ୍ ହେବା । ୩୭ଟା ଆସନ ଭିତରୁ ଓଡ଼ିଶାର ୪ଟା ଆସନ ଲାଗି ମତଦାନ ହେବା । ରାଜ୍ୟସଭା ନିର୍ବାଚନ ଲାଗି ବିଜେପି ତରଫୁ ଦଳର ରାଜ୍ୟ ସଭାପତି ମନମୋହନ ସାମଲ ଆଉ କଳାହାଣ୍ଡି ସାଂସଦ୍ ସୁଜିତ୍ କୁମାରଙ୍କର ନାଁ ଘୋଷଣା କରାଯାଇଛି । ସେଆଡ଼େ ଦିଲ୍ଲୀପ ରାୟ ସ୍ଵାଧୀନ ପ୍ରାର୍ଥୀ ଭାବେ ନିର୍ବାଚନ ଲଢ଼ିବେ ବଳି ଗୋଷଣା କରିଛନ୍ । ତାଙ୍କର ପ୍ରାର୍ଥକ୍ତକେ ବିଜେପି ତରଫୁ ସମର୍ଥନ କରାଯାଇଛି । ନିଜର ସପକ୍ଷଥୁ ସମର୍ଥନ ଯୋଗାଡ଼ କରବାର ଲାଗି ଶ୍ରୀ ରାୟ ବିଜେପି ସହେତେ କଂଗ୍ରେସର ରାଜ୍ୟସ୍ତରର ନେତାମାନଙ୍କର ସଙ୍ଗେ ଆଲୋଚନା କରିଥିବା ଜନାପଡ଼ିଛି । ବିଜୁ ଜନତା ଦଳ୍ ତରଫୁ ସନ୍ତୁପ୍ତ ମିଶ୍ର ଆଉ ଡାକ୍ତର ଦତେଶ୍ଵର ହୋତାଙ୍କୁ ପ୍ରାର୍ଥୀ ଭାବେ ମନୋନୀତ୍ କରାଯାଇଛି ।

ଅମିତ୍ ଶାହା-ଓଡ଼ିଶା ଗସ୍ତ

ଆରବନ୍ଦୁ/ ସମ୍ବଲପୁର

ସ୍ଵରାଷ୍ଟ୍ରମନ୍ତ୍ରୀ ଅମିତ୍ ଶାହା ଆସବା କାଏଲଠାରୁ ୨ ଦିନିଆ ଓଡ଼ିଶା ଗସ୍ତ ଆସୁଛନ୍ । ଶୁକ୍ରବାର ଦିନ କଟକ ମୁଣ୍ଡୁଲିଠାରେ ଥିବା ସିଆଇଏସ୍‌ଏଫ୍‌ର ଥାପ୍ପନା ଦିବସ୍ ସମାରୋହ ଶ୍ରୀ ଶାହା ମୁଖ୍ୟଅତିଥି ଭାବେ ଯୋଗ ଦେବେ । ଇତାର ସହେତେ ଭୁବନେଶ୍ଵର ନ ଜନସଭାକେ ଉଦ୍‌ବୋଧନ୍ ଦେଇକରି ଭିନ୍ ଭିନ୍ ପ୍ରକଳ୍ପର ଶିଳାନିର୍ମାଣ ଆଉ ଉଦ୍‌ଘାଟନ୍ କରବାର କାର୍ଯ୍ୟସୂଚୀ ରହିଛେ । ସ୍ଵରାଷ୍ଟ୍ରମନ୍ତ୍ରୀଙ୍କର ଗସ୍ତକେ ନେଇକରି ପୁଲିସ୍ ପ୍ରଶାସନ୍ ତରଫୁ କଡ଼ା ସୁରକ୍ଷା ବ୍ୟବସ୍ଥା କରାଯାଇଛେ । ମୁଣ୍ଡୁଲି ସମାରୋହ ସ୍ଥଳର ୫ କିଲୋମିଟର ପରିଧିକେ ନୋ ପ୍ୟୁଇଜ୍ ଜୋନ୍ ଭାବେ ଘୋଷଣା କରାଯାଇଛେ ।

ପଶ୍ଚିମ ଏସିଆ ସ୍ଥିତି ଏନ୍‌ଏସ୍‌ଡି

ଯୁଦ୍ଧ ସ୍ଥିତି ଭିତରେ ପଶ୍ଚିମ ଏସିଆ ନ ଫସିଥିବା ଭାରତୀୟମାନଙ୍କୁ ସୁରକ୍ଷିତ୍ ଉଦ୍ଧାର କରବାର ଲାଗି ଭାରତ୍

ସରକାରଙ୍କର ତରଫୁ ଆଏଜ୍ ଝାଟା ସ୍ୱତନ୍ତ୍ର ବିମାନର ବ୍ୟବସ୍ଥା
କରାଯାଇଛି । ବେସାମରିକ ବିମାନ ଚଳାଚଳ ମନ୍ତ୍ରଣାଳୟର
ସୂଚନା ଅନୁସାରେ, ଇଣ୍ଡିଗୋ ତରଫୁ ୩୦ଟା ଆଉ ଏଆର୍ ଇଣ୍ଡିଆ
ଆର୍ ଏୟାର ଇଣ୍ଡିଆ ଏକ୍ସପ୍ରେସ୍ ତରଫୁ ୨୩ଟା ବିମାନ ଲୁକ୍କୁ
ନିଜର ଦେଶକେ ଅନାଯିବା । ସରକାରଙ୍କର ତରଫୁ ଏବ୍ତକ୍ ୧
ହଜାର ୨ ଶହ ୨୧ ଝନ୍ ଭାରତୀୟଙ୍କୁ ଯୁଦ୍ଧ କ୍ଷେତ୍ରକୁ ସୁରକ୍ଷିତ୍
ଭଙ୍ଗାର କରାଯାଇଛି । ସ୍ଥିତି ଉପରେ କଡ଼ା ନଜର ରଖାଯାଇଛି
ବଳି ମନ୍ତ୍ରଣାଳୟ ତରଫୁ କୁହାଯାଇଛି ।

ସେଆଡ଼େ ସ୍ଥିତିକେ ନଜର ଥି ରଖିକରି ବୈଦେଶିକ ବ୍ୟାପର
ମନ୍ତ୍ରଣାଳୟ ତରଫୁ ପ୍ରବାସୀ ଭାରତୀୟମାନଙ୍କର ସାହାଜ୍
ଲାଗି ଗୁଚେ ନିୟନ୍ତ୍ରଣ କକ୍ଷର ବ୍ୟବସ୍ଥା କରାଯିବାର ସହେତେ
ହେଲ୍ଲାକନ୍ ନୟର ଭିଲ୍ ଜାରି କରାଯାଇଛି ।

ରକ୍ଷିକୂଳ୍ୟା-କଇଁଛ ଅଣ୍ଟାଦାନ ଛତ୍ରପୁର ପ୍ରତିନିଧି

ଗଞ୍ଜାମର ରକ୍ଷିକୂଳ୍ୟା ନଏଦ୍ ଖଣି ଅଲିଭ୍ ରିଡ୍ଲେ କଇଁଛମାନଙ୍କର
ସମୂହ ଅଣ୍ଟାଦାନ ପ୍ରକ୍ରିୟା ଗଲାକାଏଲ୍ଠାନ୍ତୁ ମୁଲ୍

ହେଇଯାଇଛି । ପହେଲା ଖେପୁଥି ୧୪ଶହନୁ ଅଏତ୍କା
ଅଣ୍ଡାଦାନ ହେଇଛି । କଇଁଛଙ୍କ ଆଗମନକେ ନଜରୁଥି
ରଖିକରି ବନବିଭାଗ ତରଫୁ ବ୍ୟାପକ ସୁରକ୍ଷା ବ୍ୟବସ୍ଥା
କରାଯାଇଛି । ମାଛମରା ଗ୍ରହଣମାନଙ୍କୁ ସମୁଦ୍ର ଭିତ୍ତକେ
ଯିବାର ଲାଗି ମନା କରାଯାଇଛି । ଭିନ୍ ଭିନ୍ ଜାଗା ନ ବନ
ସୁରକ୍ଷା କର୍ମଚାରୀମାନେ ମୁତୟନ ରହିକରି କଇଁଛମାନଙ୍କର
ସୁରକ୍ଷାଥି ଲାଗିଛନ୍ ।

ଓଡ଼ିଶା ହୋମ୍-ଷ୍ଟେ ଡ୍ଵାର୍କସପ୍ ଆଇ.ଆର୍.ପି.ଆର

ଉପମୁଖ୍ୟମନ୍ତ୍ରୀ ପ୍ରଭାତି ପରିଡ଼ା ଆଏବାକାଏଲ୍ ଓଡ଼ିଶା ହୋମ୍-ଷ୍ଟେ
ଡ୍ଵାର୍କସପ୍ ଆଉ ଗୋ-ହୋମ୍-ଷ୍ଟେ ପୋର୍ଟାଲର ଶୁଭାରମ୍ଭ
କର୍ବେ । ଦିନର୍ ୧୦ ବଜେ ଭୁବନେଶ୍ୱରର ଗୁଡେ ଶାସ୍ତ୍ର
ସମାରୋହଥି ଇଡାର ଶୁଭାରମ୍ଭ କରାଯିବା । ଇ ଅବ୍ସରେ
ମୁଖ୍ୟ ଶାସନ ସଚିବ ଅନୁ ଗର୍ଗ ଭିଲ୍ ଉପସ୍ଥିତ୍ ରହେବେ ।

ବନକ ଲାଗି ନୀତି ଆର୍ଏନ୍ୟୁ/ ସମ୍ବଲପୁର

ଚଈତ୍ ମାସର୍ ଅନ୍ଧାର ପଖର୍ ଦ୍ଵିତୀୟା ତିଥି ଅବ୍ଦରେ
ଆଏବାକାଏଲ୍ ପୁରୀ ଶ୍ରୀମନ୍ଦିର ନ ମାହାପୁରମାନକର
ବନକଲୀଗି ନୀତି ହେବା । ଇଟା ଗୁଟେ ଗୁପ୍ତ ନୀତି
ହେଇଥିବାରନ୍ତୁ ସଞ୍ଜବେଳର୍ ୬ ବଜେନ୍ତୁ ରାତିର୍ ୧୦
ବଜେତକ୍ ସର୍ବ ସାଧାରଣ ଦର୍ଶନ୍ ବନ୍ଦ ରହେବା ବଲି
ଶ୍ରୀମନ୍ଦିର ପ୍ରଶାସନ୍ ତରଫୁ ସୂଚନା ଦିଆଯାଇଛେ ।

ବିଶ୍ଵ ମେଦ ବହୁଲତା ଦିବସ୍ ଆରବନ୍ୟୁ/କଟକ୍

ମେଦ ବହୁଲତା ଗୁଟେ ରୋଗ୍ ନାହିଁ ହେଲେ ଭିଲ୍ ଇଟା
ବହୁତ୍ତେ ରୋଗ୍ କାରଣ୍ ଭାବେ ଚିହ୍ନିକ୍ କରାଯାଇଛେ ।
ମେଦବହୁଲତାର୍ କାରଣ୍ ଆର୍ ଇତାକେ ନିୟନ୍ତ୍ରଣ୍ କରବାର୍ ଲୀଗି
ଜନସଚେତନତା ବଢ଼ାବାର୍ ଉଦ୍ଦେଶ୍ଵ୍ ଆଏକ୍ ବିଶ୍ଵ ମେଦ
ବହୁଲତା ଦିବସ୍ ପାଳନ୍ କରାଯାଉଛେ । ୨୦୨୦ ମସିହାନ୍ତୁ ଫି’
ବଛର୍ ମାର୍ଚ୍ଚ ୪ ତାରିଖ୍ ଦିନ ଇ ଦିବସ୍ ପାଳନ୍
କରାହେଇଆସୁଛେ । ଇ ବଛର୍ ଇ ଦିବସ୍ ବିଷୟବସ୍ତୁ ରହିଛେ
‘କୋଟି କୋଟି ରୋଗ୍ କାରଣ୍ ହେଉଛେ ମେଦବହୁଲତାର୍’ ।

ବିଶ୍ୱସ୍ତରଥ ମେଦବହୁଳତା ସମସ୍ୟାର ମୁକାବିଲାର ଲାଗି ସାମୁହିକ
ଆଉ ବ୍ୟବସ୍ଥିତ ପଦକ୍ଷେପ ଦିଗ୍ରେ ଉଚ୍ଚାଗର କରବାର ଲାଗି ଇ
ବଛର ଇ ବାର୍ତା ରଖାଯାଇଛେ ।

ପୁରଥର ଶହେ କୋଟି ଲୋକ୍ ଇଛେନ୍କା ମେଦବହୁଳତାର
ଶିକାର ହେଇଛନ୍ । ୨୦୩୫ ମସିହାତକ୍ ପୁରଥର ଅଧାନୁ ଅଏତକା
ଲୋକ୍ ମେଦବହୁଳତାର ଶିକାର ହେବାର ଆଶଙ୍କା ରହିଛେ ବଲି
ବରଗଡ଼ ଜିଲ୍ଲା ମୁଖ୍ୟ ଡାକ୍ତରଖାନାର ଭେଷଜ ବିଷେଶଜ୍ଞ ଡାକ୍ତର
ସୁଦୀପ୍ତ କୁମାର ରାଉତ୍ କହିଛନ୍,
(ଭଏସ୍- ଡାକ୍ତର ସୁଦୀପ୍ତ କୁମାର ରାଉତ୍)

ବିଶ୍ୱ କିକ୍ ବକ୍ସିଂ ବିଜେତା ନୂଆପଡ଼ା ସମ୍ବାଦଦାତା

ନୂଆପଡ଼ା ଜିଲ୍ଲା ଖରିଆର ରୋଡ୍ ଇଲାକାର ତେଜସ୍ୱୀ ସୋନି
ଇଣ୍ଡୋନେସିଆର ବାଲିଠାନେ ହେଇଥିବା ବିଶ୍ୱ କିକ୍ ବକ୍ସିଂ
ପ୍ରତିଯୋଗିତାଥ୍ ସ୍ୱର୍ଣ୍ଣ ପଦକ୍ ଜିତିକରି ଦେଶ୍ ଆଉ ରାଜ୍ୟ
ଲାଗି ଗୌରବ୍ ଆନିଛନ୍ । ଫାଇନାଲ୍ ମୁକାବିଲାଥ୍

ଫିଲିପାଇନ୍ସର ପ୍ରତିଯୋଗୀଙ୍କୁ ହରେଇକରି ସେ ବିଶ୍ୱବିଜେତା
ଗୌରବ ଅର୍ଜନ କରିଛନ୍ ।

ଟି-୨୦ ବିଶ୍ୱକପ୍ ଆରବନ୍ଧୁ/ ସମ୍ବଲପୁର

ଆଇସିସି ବିଶ୍ୱକପ୍ ପୁରୁଷ କ୍ରିକେଟ୍ ଆବଜ୍ କୋଲକାତାର
ଇଡେନ୍ ଗାର୍ଡେନ୍ ନ ଦକ୍ଷିଣ ଆଫ୍ରିକା ଆଉ ନ୍ୟୁଜିଲାଣ୍ଡ ଦଲ୍
ଭିତ୍ରେ ପହେଲା ସେମି ଫାଇନାଲ୍ ମେଚ୍ ଖେଳାଯାଉଛି ।
ନ୍ୟୁଜିଲାଣ୍ଡ ଦଲ୍ ଟପ୍ ଜିତିକରି ପହେଲା ବୋଲି କରବାରକେ
ନିଶ୍ଚିତି ନେଇଛି । ଆବବାକାଏଲ୍ ଭାରତ ଆଉ ଆଉ ଇଂଲଣ୍ଡ
ଭିତ୍ରେ ମ୍ୟାଚ୍ ଡ୍ଵାଙ୍ଗଡ଼େ ଷ୍ଟାଡ଼ିୟମ୍ ନ ଦୁଇ ନମ୍ବର ସେମି
ଫାଇନାଲ୍ ମେଚ୍ ହେବା ।

ପାଣିପାଗ ଆରବନ୍ଧୁ/ ସମ୍ବଲପୁର

ଆବବା ୨୪ ଘଂଟା ଭିତ୍ରେ ରାଜ୍ୟର ବଡ଼ଭାଗୀ ଜାଗା ନ ପାଗ୍
ଶୁଖା ରହେବା । ଆବବା ହଫ୍ଟେଡକ୍ ପାଗ୍ ଏନ୍ତା ରହେବା ବଲି
ଭୁବନେଶ୍ୱର ଆଂଚଲିକ୍ ପାଣିପାଗ୍ ବିଜ୍ଞାନ କେନ୍ଦ୍ର ତରଫୁ

ଅନୁମାନ କରାଯାଇଛି । ରାଜ୍ୟର ବଡ଼ଭାଗି ଜାଗା ନ
ଆଏଜ୍ ଦିନର ତାପମାତ୍ରା ୩୫ ଡିଗ୍ରୀ ଉପରେ ରହିଥିଲା ।
ଝାରସୁଗୁଡ଼ା ନ ରାଜ୍ୟର ସବୁନୁ ଜହ ଦିନର ତାପମାତ୍ରା ୩୯
ଡିଗ୍ରୀ ସେଲ୍‌ସିୟସ୍ ରେକର୍ଡ କରାଯାଇଛି ।